



Broj: 02-04-3-1765/24
Goražde, 29.08.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke – otvoreni postupak, Nabavka motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde”, Gradonačelnik Grada Goražda donosi:

O D L U K U

o izboru najpovoljnijeg ponuđača

I

Prihvata se preporuka Komisije za provođenje postupka **javne nabavke** motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde”, te se predmetni ugovor o nabavci dodjeljuje ponuđaču **„SU-AD” d.o.o. Živinice, sa ponuđenom cijenom ponude u iznosu od 427.800,00 KM, bez uračunatog PDV-a.**

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Nakon pravosnažnosti ove Odluke, po isteku roka od 15 dana od datuma obavještenja ponuđača, Grad Goražde će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 (sedam) dana od dana zaprimanja obavještenja o rezultatima postupka dostaviti Ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45., dokaz o ispunjavanju uslova iz člana 47. Zakona o javnim nabavkama.

Ukoliko izabrani ponuđač ne postupi u skladu sa ovom obavezom ugovorni organ je prinuđen poništiti predmetni postupak javne nabavke.

O b r a z l o ž e n j e

Gradonačelnik Grada Goražda je dana 03.07.2024. godine donio Odluku o pokretanju postupka javne nabavke motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde”, broj 02-04-3-1765/24, putem otvorenog postupka.

Na osnovu navedene odluke, dana 05.07.2024. godine, na portalu javnih nabavki objavljeno je Obavještenje o javnoj nabavci broj 413-1-1-55-3-54/24, a sažetak navedenog Obavještenja o nabavci objavljen je u „Službenom glasniku BIH” broj 48/24.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 21.08.2024. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-04-3-1765/24 od 03.07.2024. godine sačinila je Zapisnik o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za nabavku motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde“ dostavljena ponuda od strane ponuđača „SU-AD“ d.o.o. Živinice.
- da dostavljena ponuda ponuđača „SU-AD“ d.o.o. Živinice ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom,
- da u skladu sa članom 3. tačka (3) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda, dostavljena samo jedna ponuda koja je ujedno i prihvatljiva
- da je ponuda ponuđača „SU-AD“ d.o.o. Živinice sa cijenom ponude u iznosu od 427.800,00 KM, bez PDV-a, prema kriteriju „najniža cijena“ ocjenjena kao najpovoljnija za Ugovorni organ.

Komisija za provođenje postupka javne nabavke motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde“, predložila je Gradonačelniku Grada Goražda donošenje Odluke o prihvatanju ponude ponuđača „SU-AD“ d.o.o. Živinice za nabavku motornog vatrogasnog vozila (kamion) za Službu za zaštitu od požara u Udruženju Dobrovoljno vatrogasno društvo „Goražde“, budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom.

Akt sačinila: Linaida Pilav
Kontrolisao: Berin Kulelija



DOSTAVITI:

1. Ponuđač
2. Web stranica Ugovornog organa
3. u spis
4. a/a

GRADONAČELNIK
ERNEST-IMAMOVIĆ

